

TOSHKENT HAQIQATI

Viloyat
ijtimoiy-siyosiy
gazetasi

1928-yil 11-dekabrda
asos solingan

2025-yil 15-mart / SHANBA / № 16 (13777)

HAQSEVAR ONA YURT, MANGU BO'L OBOD!

@haqiqatonline_24

Haqiqat online

haqiqatonline_

▼ Kun tartibi

Tabiat uyg'onmoqda, biz-chi?

Piskent tumanining "Fayziobod", "Istiqlol" mahallalari "og'ir" hudud toifasiga kiritilgan. Ushbu mahallalarga viloyat hokimi o'zi mas'ul etib biriktirilgan.



Юртдошим, боғингга бир ниҳол қада...

▼ Бугуннинг гапи

Юртдошим, боғингга бир ниҳол қада,
Бу ниҳол номини яхшилик ата.

Ниҳолинг ёнига бир гул экиб қўй,
У гулнинг исмини гузаллик деб қўй.

Гулу ниҳолингга бахш этиб ҳаёт,
Сув бер ва бу сувга меҳр деб қўй от.
Сендан фарзандингга боғ қолсин, эй дўст,
Боғинг Ватан деган ном олсин, эй дўст.

Эркин ВОҲИДОВ,
Ўзбекистон халқ шоири



Хонадонингизда кафтдек бўлса ҳам томорқангиз борми? Демак, бой экансиз – хонадонингизда "хазина"нгиз бор экан! Фурсатни бой бермай, ана шу хазинанинг "кўзи"ни очиш, бундан аввало, оилангиз, қолаверса эл-юртингизни фаровон қилиш ўз кўлингизда!

Чўп суқсанг, кўкарадиган еримиз бор, лекин томорқа ерларидан – шундай катта резервдан ҳамиша ҳам кўнгилдагидек фойдаланмаяпмиз. Шунинг учун бугундан бошлаб ҳар бир томорқага экин экишни бошлаш керак. Агар ҳозир экмасак, кейин кеч бўлади!

Давлатимиз раҳбарининг махсус фармойиши билан 2025 йил 11 мартдан "долзарб бир ойлик" сафарбарлиги эълон қилинди. Кунни кеча вилоят ҳокими Зойир Мирзаев бутун вилоят жамоатчилиги, фаоллари билан кенгашиб, мазкур са-

фарбарлик ойини самарали ва кўнгилдагидек ўтказиш бўйича барча ташкилий ишларни бирма-бир белгилаб, чиғирикдан ўтказди. Бу хайрли ишдан ҳеч ким четда қолмаслиги лозимлиги такрор ва такрор ўқтирилди.

Энди дўппини бошдан олиб, бир мулоҳаза қилиб кўрайлик-чи, нега бугун ердан, хусусан, томорқадан оқилонга фойдаланиш ҳақида бот-бот сўз боряпти? Аввало, сизу бизни бугунгидан-да тўқ ҳамда фаровон яшашимиз учун!



2

Olovlar yurti - Ozarbayjon

O'zbek va ozarbayjon xalqlarining tili, an'ana va urf-odatlari bir-biriga yaqin. Bugungi kunda O'zbekiston va Ozarbayjon mustaqil davlat va O'zbekistonning ota-sifatida ming yillar mobaynida o'ta-sifatida meros bo'lib kelayotgan madaniy rishtalarni umumiy qadriyatlar sifatida qadrlab, ularni mustahkamlab kelmoqda.



ЮЗ КУНИ

– Опажон, йиғламанг,
ёмғир бўлманг, Сиз қуёш
бўлинг, опажон, қуёш!

3



Бир хуш муждаларни шивирлайди ишқ...

4

Viloyat bo'ylab

ANGREN shahrining "Go'zal" mahallasida faollar, nuroniylar va ehtiyojmand oilalar uchun iftorlik dasturxonini yozildi. Tadbir yakunida "Yashil makon" dasturi bo'yicha bajariladigan ishlar, mahallada jinoyatchilikning oldini olishga qaratilgan vazifalar hamda Navro'z bayrami munosabati bilan o'tkaziladigan hashar haqida kelishib olindi.

BEKOBOD shahrining "Farhod" mahallasida sektor rahbarlari aholi bilan sayyor qabul o'tkazishdi. Unda fuqarolar o'zlarini qiyinayotgan masalalar bo'yicha murojaat qilishdi. Mutasaddilar tomonidan muammolar tinglanib, tegishli tartibda hal etish choralari ko'riladi.

BO'KA tumanida "Yosh qutqaruvchi" ko'ngillar klublari o'rtasidagi musobaqaning tuman bosqichi bo'lib o'tdi. Bellashuvlarda tumandagi 11 ta maktab jamoasi kuch sinashdi. Yakunda g'olib va sovrindorlar diplom va esdalik sovg'alari bilan taqdirlanishdi.

BO'STONLIQ tumani prokurori S.Husainov "Kambag'allikdan – farovonlik sari" dasturi doirasida "Qoranqul" mahallasida istiqomat qiluvchi oilalar holidan xabar oldi. Uchrashuvda fuqarolarning muammo va takliflari tinglanib, ularni hal etish bo'yicha tegishli chora-tadbirlar belgilandi.

ZANGIOTA tumanidagi 16-umumta'lim maktabi hududida o'qituvchilar tashabbusi bilan "Yashil makon" umummilliy loyihasi doirasida 20 sotix maydonga 320 tup mevali va 80 tup manzarali daraxt ko'chatlari o'tqazildi. Etilgan nihollar parvarishi ham nazoratga olindi.

Юртимизда озиқ-овқат хавфсизлигини таъминлаб, хориж маҳсулотларига кўз тикмасдан, экспортни кўпайтириш, даромадни ошириш,

Биласиз, эрта баҳор – ғанимат меҳмондир. Ниҳол қадар, уруғ сепиш ишлари ўзоғи билан ўттиз кундан ошмайди. Эрта ўттиз кундан ошмайди.

Дарвоқе, бу борада аҳолининг тажрибасини кўринг, даромадларини чамаланг – ҳавасингиз келади, ҳайратга тушасиз!

кўчат, минерал ўғит, кимёвий препаратлар етказиб бериш, механизация ҳамда бошқа сервис хизматлари кўрсатиш бўйича тизим яратилган. Қо-

Юртдошим, боғингга бир ниҳол қада...

одамларимизни тўйдириш, бандлигини таъминлаш айнан мана шу омиллаларга боғлиқ. Шундай экан, енг шимариб, ақл билан иш юритиш, бебаҳо бойлик саналган томорқадан унумли фойдаланиш лозим. Зеро, бугун "Олма пиш, озимга туш" қабилида кун кечирадиган пайт эмас. Бир парча еримиз бўлса ҳам, унга кўпроқ фойда келтирадиган, мўл ва харидоргир ҳосил берадиган экинлардан экайлик.

(Давоми. Бошланиши 1-саҳифада)

миз. Акси бўлса, куруқ кўл билан қоламиз, бозорга чопамиз. Энг ёмони, ерининг умри зоё кетади. Уволнинг эса жавоби бор!

Менинг томорқамдаги ҳосил нима бўлар эди, деманг. "Тома-тома кўл бўлур", дейди халқ. Тоғдек барака хирмонлари ҳам аслида мисқоллардан яралади. "Бир маҳалла – бир маҳсулот" деган ҳаётбахш тамойилни маҳкам ушлаб, муайян бир маҳсулот етиштиришга ихтисослашиб бораётган маҳаллалар, хона-



лига кўмаклашиш мақсадида барча ҳудудларда махсус хизмат ва сервис корхоналари, уруғ ва ўғит таъминотчилари фаолияти йўлга қўйилган, масъуллар бириктирилган. Улар орқали томорқалар учун

лаверса, кам таъминланган, эҳтиёжманд оилалар учун бепул уруғлик ва кўчатлар етказиб бериш имкониятлари ҳам бор. Бу борада маҳалла еттилиги ҳар қандай маслаҳат ва амалий кўмакка шай. Сиздан ҳафсала бўлса – бас.

Ҳозирроқ енг шимаринг. Фарзанду аржумандларни ёнингизга олинг. Оилангизни фаровон, дастурхонингизни тўкин қилишни бугундан бошланг.

Унутманг, кетмони занглан хонадонда барака бўлмайди!

▼ Пири бадавлатларимиз

ИККИНЧИ АСРНИНГ САККИЗ БАҲОРИ

Ўрта Чирчиқ туманининг "Файзобод" маҳалласида умргузаронлик қилаётган Саида ая Қозоқбоева бу йил 108-чи баҳорни қаршламоқда. Онахон вилоятимиздаги энг ёши улгурнуронийлардан. У 1917 йили Қўқонда таваллуд толган. Уч ёшида отаси Ҳайдарали бобо қўлоқ қилиниб, ҳозирги Ўрта Чирчиқ туманига юборилади. Асли насаби Қўқон хонларига мансуб бўлган бу оила ўша кезларда кўп қийинчиликларни бошдан кечиради.



Ота-онам юрт соғинчиде бир укамга Қўқонбой, бир укамга эса шу жойларга ўрнашиб қолдик, дея Тошканбой исмлиларини қўйишган. – дейди Саида ая хотираларини ёдга олиб. – Оиланинг тўнғичи бўлганим боис ука-синглиларимга мен қарар эдим. 3-синфда ўқийётганимда онам вафот этди. Кейин ўқишни давом эттиролмадим. Асосан далада кетмон чопиб, ризқ тоганимиз. Жуда қийналдик. Бир куни Бўзсув канали қазиланганини эшитиб, маҳалладош қизлар билан ишлаб келмоқчи бўлдим. Отам кўнмади. Аммо мен оиламиз учун пул топиш мақсадида кетдим. Бир ойлардан кейин оёғимдан зах ўтиб, иситма аралаш уйга қайтдим. Вақти келиб, Амир исми йигитга узатишди. Жуда ҳам чабдаст ва меҳнаткаш инсон эди. Тўққиз нафар фарзанд кўрдик. Афсуски, уч нафарини касаллик туфайли эрта ерга қўйдик. У

киши ўша даврда Фрунзе колхозиде 25 йил раислик қилди. Одамларнинг дарди билан яшади. Нафақа ёшига етганда тўсатдан юрак хуружидан вафот этди. Мен эса бир этак бола билан чумчуқдек чирқираб қолавердим. У замонлар бугунгидек тўкин-сочин даврлар эмасди. Айниқса, уруш йилларида аёл бошим билан қилмаган ишим қолмади. Ўроқ ўрдим, машоқ тердим, аёлларга бригадир бўлдим. Шу орада фарзандларимни оқ ювиб, оқ тарадим. Кундузи далада меҳнат қилиб чарчасамда, оқшомлари болаларимга халқ оғзаки ижодидан эртақ, мақол ва маталлар айтиб берадим.

Онахоннинг хотиралари кўпроқ Иккинчи жаҳон уруши билан боғлиқ. У Ватан Ҳимояси учун кечган жангларда ўзбек ўғлонларининг жасорати, юртимизда қолган хотин-қизларнинг фронт ортидаги

машаққатли меҳнатларини тез-тез ёдга олади.

– Бувимнинг хотираси жуда кучли, – дейди онахоннинг набираси Исроил Сапаров. – Ҳозиргача ҳар биримизнинг исми-мизни тўғри айтиб қақирадилар. Доим дуодалар. Ота-онамининг айтишича, шу кунгача бирор одам билан, ҳаттоки, гап талашмаган эканлар. Ўзоқ умр қўришларининг сири балки шундадир.

Айни пайтда онахон 70 ёшга қоралаган қизлари Мукаррам ая билан яшайди.


– Бундан 16 йил аввал укамнинг икки қизи Қозоғистондаги олий таълимга ўқишга кирди, – дейди Мукаррам ая. – Онам бўй етган қизларни ёлғиз қўйма, деб кўрда-қўймай укам ва келинимни ўша юртга яшаш учун юбордилар. Кейинчалик укам онамни олиб кетмоқчи бўлди. Лекин онам ўз юртимни ташлаб кетмайман, деб туриб олдилар. Шундан бери биз билан яшайдилар.

Ўтган йили Саида ая Қозоқбоева Президентимизнинг фармонида мувофиқ, 100 ёшдан ошганлар қаторида "Шухрат" медали билан тақдирланди.

Бугун 4 нафар фарзанди, 26 нафар набира, 85 нафар чевара ҳамда 26 нафар эваралар ардоғида яшаётган Саида ая халқимиз фаровонлиги йўлида меҳнат қилаётган юртдошларимизни тинмай дуо қилади. Уни билган-таниганлар эса биз ҳам шу ёшларга етайлик, деб ният қилишади.

Нигора УРОЛОВА, "Тошкент ҳақиқати" мухбири

ҲАР БИР МУРОЖААТДА ИНСОН ТАҚДИРИ



Инсонларнинг дарду ташвишларини ўйлаб яшаш – одамлиликнинг энг олий мезонидир.

Мамлакатимиз раҳбарининг эл-юртимиз қалби ва онгидан чуқур жой олган мазкур сузлари бугун юртимизда барча соҳа ва тармоқларда амалга оширилаётган туб ўзгариш ва ислохотларни ҳаракатлантирувчи қудратли кучга, таъбир жоиз бўлса, уларнинг ғоявий ўзагига айланди.

Хусусан, Президентимиз ташаббуси билан аҳоли мурожаатларини ўрганиш ва уларни ҳал этиш мақсадида ташкил этилган Халқ қабулхоналари томонидан бугун жисмоний ва юридик шахсларнинг ҳуқуқий манфаатларини ҳимоя қилиш, тақлиф ва мурожаатларини ўрганиш ҳамда тегишли чора-тадбирларни кўриш каби масъулиятли вазифалар бажариб келинмоқда.

Бу борадаги ишларнинг амалга оширилишида асосий эътибор жисмоний ва юридик шахслар томонидан келиб тушган мурожаатларнинг қонунда белгиланган муддатларда, ҳолисона кўриб чиқирилиши таъминлаш, уларнинг бузилган ҳуқуқларини тиклаш ва қонуний манфаатларини ҳимоя қилишга қаратилмоқда.

Халқ қабулхоналарига келиб тушаётган ҳар бир мурожаат ортида, аввало, инсонни қийнаётган, ўйлантираётган масалалар, ечимини кутаётган муаммолар туради. Улар ортида кимнингдир дарду ташвиши, орзу-ўйлари мужассам бўлади. Мурожаатлар қачон қаноатлантирилган ҳисобланади, қачонки белгиланган муддатда кўриб чиқилса, унда келтирилган ҳар бир ваз вазифаси ечимини топса. Бунинг учун ходимдан масъулият, мурожаатчидан эса ўзига хос маданият талаб этилади.

Маълумки, сўнгги йилларда мамлакатимизда мурожаатлар билан ишлашнинг мутлақ янги тизими жорий қилинди. Конституциямизда давлат органлари ва мансабдор шахслар жамият ва фуқаролар олдига жавобгар эканлиги, ҳар бир шахс бевосита ўзи ва бошқалар билан биргаликда ваколатли давлат органларига, муассасаларига ёки халқ вакилларига ариза, тақлиф ва шикоятлар билан мурожаат қилиш ҳуқуқига эгаллиги белгиланган.

Одамларнинг дардини эшитиш, улар билан очик мулоқотда бўлиш, оғирини енгил қилишда вилоят ва туман раҳбарлари, бошқарма-ташкilot бошлиқлари томонидан ташкил қилинаётган сайёр қабуллар ҳам муҳим аҳамият касб этмоқда. Бу эса ўз самарасини бермоқда: муаммоларга жойида ечим топилапти, аҳолини қийнаётган, ўйлантираётган масалалар бўйича аниқ чора-тадбирлар белгиланмоқда. Мурожаатларга масъулиятсизлик билан қараган ёки қонунийлик ижросини таъминлашга бефарқ бўлган ҳар бир масъул шахсга нисбатан қонуний чоралар кўрилмақда.

o'qitilishi fikrimiz isbotidir. Shuningdek, Boku shahrida Alisher Navoiy, Toshkent shahrida esa Nizomiy Ganjaviy va Haydar Aliyev haykallari o'rnatilgan. O'zbekiston davlat pedagogika universiteti Nizomiy Ganjaviy nomi bilan ataladi, Ozarbayjonda esa Alisher Navoiy nomidagi qishloq bor. Davlatimiz rahbari tashabbusi bilan 2023 yilda Fuzuliy shahrida a Mirzo Ulug'bek nomidagi 960 o'ringa mo'ljalangan zamonaviy maktab barpo etilgani mustahkam do'stlik va hamjihatlikning yana bir belgisi bo'ldi.

"Olovlar yurti – Ozarbayjon" asari muallifi Sharofiddin To'laganov ikki qardosh xalq va ularning yetakchilari tomonidan keyingi yillarda bog'langan manfaatli aloqalar hamda ularning amaldaq ijodiyatlarida chuqur tahliliy mulohazalarni bildiradi. Muallif keltirgan har bir ma'lumotini manbaviy asosga tayangan holda dalillaydi.

Kitob muallifi Ozarbayjonning qadimiy tarixi, madaniyati, urf-odatlarini keng yoritgan. Shuningdek, Ozarbayjon Respublikasining milliy yetakchisi Haydar Aliyev va Ilhom Aliyev, shuningdek, Mehribon Aliyeva singari davlat arboblari faoliyatiga ham chuqur nazar soladi. Bundan tashqari, ozar xalqining davlatchilik tarixi, ayniqsa, o'tgan asrda bu yurtda ro'y bergan turli tarixiy voqealiklar tadjiriga ham atroflicha murojaat qiladi. Bir so'z bilan aytganda, muallifning kitobga kirgan ko'p maqolalarida

o'tgan asrda ozarbayjon millati taqdirida ro'y bergan tarixiy voqealiklar, davlatchilik tarixi va uning shakllanishi bosqichma-bosqich, xronologik tarzda yoritib beriladi. Shu nuqtai nazaridan olib qaralsa, kitob faqat publisistik materiallar to'plamidan iborat emas, balki ilmiy-tarixiy qimmatga ega bo'lgan asar sifatida ham o'ziga xos o'ringa egaligi ko'rinadi.

Kitobda Ozarbayjonning zamonaviy davlatchilik tarixida, ayniqsa, 2020 yilning 8 noyabr sanasi alohida muhim o'rin tutishi, o'sha kuni Ozarbayjon armiyasi Qorabog'ni qanday qaytarib olgani, bu hududlar qariyb 30 yil ishg'ol ostida bo'lgani, 44 kunlik urush yakunida Qorabog'dagi 5 ta shahar, 4 ta posyolka hamda 286 ta qishloq yana Ozarbayjon tasarrufiga o'tganligi alohida qayd etiladi. Shu tariqa mamlakat hududiy yaxilligi tiklanib, Ozarbayjon yetakchisi Ilhom Aliyevning farmoni bilan Qorabog'ning bosh kenti Shusha shahri ozod qilindi, 8 noyabr G'alaba (Zafar) kuni o'laroq belgilangani va har yili ushbu sana tantanali nishonlanadigan bo'lgani alohida keltirib o'tiladi.

Tarixiy ma'lumotlarga boy bo'lgan ushbu kitob o'quvchiga Ozarbayjon tarixi, madaniyati, kechasi va buguni haqida ma'lumotlar ulashish barobarida, O'zbekiston va Ozarbayjon Respublikalarining o'zaro do'stlikka asoslangan bugungi ko'p tomonlama aloqalari va ularning natijalari xususida ham qimmatli ma'lumotlarni taqdim etadi.



Shuhrat HAYITOV,
filogiya fanlari bo'yicha
falsafa doktori

▼ Taqdimot

Olovlar yurti – Ozarbayjon

O'zbek va ozar xalqlari o'rtasidagi o'zaro do'stlik, hamjihatlik va ko'p tomonlama aloqalar, ayniqsa, madaniy va adabiy hamkorlik rishtalari juda uzoq va boy tarixga

ega. Nizomiy Ganjaviy, Alisher Navoiy, Fuzuliy, Bobur va Shoh Ismoil Xatoyi kabi buyuk mutafakkirlarning o'zaro iliq ijodiy munosabatlari fikrimizning yaqqol dalilidir.



Taniqli ijodkor, O'zbekiston Yozuvchilar uyushmasi a'zosi Sharofiddin To'laganov qalamiga mansub "Olovlar yurti – Ozarbayjon" nomli kitob ikki qardosh xalq o'rtasidagi ilmiy-ijodiy hamkorlik aloqalarining yana bir ifodasidir. Ozar xalqining o'tmishi va bugunidan so'zlovchi mazkur kitob Ozarbayjon Respublikasining O'zbekistondagi elchixonasi hamda Haydar Aliyev nomidagi Ozarbayjon

madaniyat markazi tomonidan nashr etilgan. Unda muallifning turli yillarda Ozarbayjon Respublikasi tarixi va buguniga daxldor siyosiy, iqtisodiy, madaniy va ma'rifiy yo'nalishlarda yozgan va matbuot hamda internet sahifalarida e'lon qilgan turli tahliliy-publi-

Kitobda qayd etilganidek, o'zbek va ozarbayjon xalqlarining tili, an'ana va urf-odatlari bir-biriga yaqin. Bugungi kunda O'zbekiston va Ozarbayjon mustaqil davlat sifatida ming yillar mobaynida ota-bobolarimizdan meros bo'lib kelayotgan madaniy rishtalarni umumiy qadriyatlar sifatida qadrlab, mustahkamlab kelmog'ga. Buni ko'plab siyosiy, iqtisodiy va madaniy jabhalarda ko'rish mum-

bo'lgan hurmat beqiyos. Ayniqsa, buyuk mutafakkir, shoir va davlat arbobi, bir asrning ikki dahosi bo'lgan Alisher Navoiy va Zahiriddin Muhammad Bobur shaxsi va ularning bebaho merosi Ozarbayjon zaminida hamisha ardoqlidir. Bokuda Alisher Navoiyga haykal o'rnatilgan, o'tgan yili bu ulug' siymo nomidagi ilmiy tadqiqot markazining faoliyat boshlagani, asarlari ko'p yillardan buyon qayta va qayta tab-



tsistik maqolalari jamlangan. Kitobga Ozarbayjon madaniyat markazi (o'sha paytdagi) rahbari Samir Abbosov so'zboshi yozgan.

kin. Ozarbayjonda xalqimizning boy tarixi va madaniyatiga, ajdodlarimizning jahon tamadduni taraqqiyotiga qo'shgan hissasiga

dil etilib kelinayotgani, yoki Bobur asarlari, jumladan, "Boburnoma" va "Bobur devoni"ning tarjima qilinib, ta'lim muassasalarida doimiy sevib

Одабийлик шеvasи

Ёмғир бўлманг,
куёш бўлинг,
опажон!

(Давоми. Боши Утган сонда)

Ахли аёлим ота-онаси вафот этгач, укаларига бағир бериб, юпанч топди. Катта укаси Муроджон оғир-босиқ, мулоҳазали йигит эди. Умри қисқа экан. Кейинги укаси Райимбой бироз дардманд бўлди. Кенжа укаси Равшанжон опасига жонини фидо қилар даражада меҳрибон ва оқибатли чиқди. Ҳафтада бир-икки бор келишни қанда қилмас, опасининг ёнида соатлаб ўтирар, оғриқли танасига бироз ором бағишламагунча эринмай силаб-сийпалар, изн олгачгина кўнгли дилгир бўлиб қайтарди.

Равшанжон олиб келган, етти ухлаб тушимизга кирмаган тансиқ-тансиқ таомлар, ҳар донаси катта лагандай келадиган ёғли патир нонлар, айни аёз демай қулупнай, туқсиз шафтолилар опагонисининг ихчамгина столи устида тўлиб-тошарди.

Ахли аёлим ҳафта давомида набира-ларидан ортганини кўни-қўшниларга улашарди. Равшанжон укам олиб келибди, деб алқаб-алқаб кўярди. Ана шу шукроналар адоғига етмасдан хонадонимизга икки уканинг ахли аёллари Мавжудаой билан Барноойлар келишар, опаларининг кўнглини олиб қайтишарди.

Шу суюкли қайним аввал аёли билан Умра зиёратига борди. Сўнг яна бир фурсат ўтиб, Маккатиллода Ҳаж амалларини адо этди. Ахли аёлим икки гал ҳам укажонни Равшанжон билан Ҳаж амалларини бажаришда руҳан бирга бўлди, гўё. Ҳар кўни укасини ёдга олади. Илоҳим, Равшанжоннинг ҳамма ниятлари ижобат бўлсин, деб дуо қилади. Ҳар кўнни ортга санаб ўтказди. Замонани қарангки, соғиниб кетганда гоҳ-гоҳ интернетнинг видеоқўнғироғи орқали дийдорлашиб, сўзлашиб ҳам кўярди. Ахли аёлим дарров соғинчини кўз ёшлари билан изхор қилади. Зиёрат сабаб қордек оппоқ либосларга бурканиб, ажиб саловату тароватга эга бўлган Равшанжон опасини ич-ичидан ёниб юпатган бўлади:

— Опажон, йиғламанг, ёмғир бўлманг, Сиз куёш бўлинг, опажон, куёш!

Ахли аёлим укасининг қанотли сўзлари мағзини чақолмай гаран бўлади.

— Йиғласам, укажон, соғинганимдан, — дейди қонсиз лаблари титраб.

— Кўзларингиз кўёшдай порлаб турсин, опажон!

— Ҳа, укажон, азиз бошингни кўксимга босиб силасам, дийдорингга бир тўйсам, шу хиралашган кўзларим кўёшдай порлаб кетса, ажаб эмас...

Аллоҳга шукри, дийдорни ғанимат қилмади. Ахли аёлим суюкли укасини бағрига босиб, Ҳаж зиёрати билан кўзлари яшнаб муборакбод этади. Чехрасида ҳам қувонч, ҳам фахр туйғулари баралла намоён бўлади.

Ўлим ҳақ, лекин биз, бандалар унинг ҳақлигига сира кўника олмаймиз. Ахли аёлимни сўнгги сафарга кузатиш чоғида бутун вужуди куйиб йиғлаган, укамдек меҳрибоним Равшанжон бўлди. У айтиб-айтиб йиғлади. Опам, онажонимдан ёдгорим эди, деб йиғлади, опам куёшим эди, деб йиғлади. Сабрига тоғлар эгилган бардошлигим эди, деб йиғлади. Жанозага тўпланганларнинг кўзлари беихтиёр намланди.

Ҳовлимизнинг
Музейянаси

Хумораойни узатиб юборганимиздан сўнг бувисига қараш, унга битмас-туганмас меҳр бериш вазифаси кичик ўғлимиз Йўлчибойнинг тўнгич фарзанди Хуснораойга катта ишонч ва қамоли эҳтиром билан топширилди. Расмий тил билан айтганда, вазифанинг тўла-тўқис ижросини назорат қилиш, табиийки, кичик ўғлимиз Йўлчибой зиммасига шараф билан юклатилди.

Хуснораой кундузи мактабда ўқир, сўнг

онасига уй юмушларида қарашар, тунни эса бувижонисини силаб-сийпаш билан ўтказарди. Ахли аёлим шу неварасини узундан-узоқ дуо қилар, келажақда катта мактабни битириб, эл-юртга ҳалол хизмат қилишидан бот-бот умидвор эди.

Худонинг синовидаги бувининг дуолари ижобат бўлди. Ҳозир шугина неварамиз университетда аъло баҳоларга ўқимоқда. Ҳафтада бир қишлоққа келганида орзуманд бўлиб, бувижонисининг иси келиб турадиган пардай юмшоқ болишини юзларига босиб-босиб ухлайди. Бувижонисидан ёдгорлик бўлиб қолган диван опа-сингил ўртасида бир муддат талаш бўлади...

Бир воқеа ҳеч ёдимиздан ўчмайди.

2019 йилнинг айни аёзи — декабрь ойи эди. Ҳамшаҳримиз Музейяна аянинг 110 йиллик тўйи Пискентда ўтказиладиган бўлди. Бу тантанали маросимдан аввал телевидение ходимаси Лобар Қўчқорова аянинг ёшлиғидаги ҳаёти ва ижодаги бағишланган ҳужжатли фильмни суратга олиш учун ўн-ўн беш кун давомида Пискентда бўлди. Қариндош-уруғлар, билган-таниганлар билан эринмай суҳбатлашди. Расмга олиш аввалида аянинг навихол кузатиб, балогат ёшидаги сиймосини яратиш керак экан. Энди аянинг ёшлиғидаги қиёфасига ўхшаш, узун бўйли, чиройли

Сарваржонга
айтилган қўшиқ...

Йўлчибой ўғлимизнинг иккинчи фарзанди Сарваржон болалигида ўзига етганча инжик, қайсар эди. Уни осонликча овутиб бўлмасди. Дилоромхон келинимиз кун бўйи кўлида кўтариб чарчар, бешикка белагандина кўли бироз тин оларди. Бешикни ахли аёлимнинг ёнига келтирар, унга чилвир боғлаб, бир учини қайнонасининг эгри-бугри бўлиб қолган кўлига тутқазарди.

Ахли аёлим ўзбек халқ оғзаки ижодидан яхши хабардор — алла, лапарларни маромига етказиб айтарди. Қайсар гўдакка буви-

лаётган ҳаёт ҳақиқатини биз, гофил бандалар гоҳо англаб етмаймиз, етолмаймиз.

Ахли аёлим 71 йил яшади. 51 йил умргузаронлик қилдик. Бу муддатнинг қанчаси қувонч-у андуҳ билан ўтди экан? У аввал отасини, кейин онасини, бувиси-ю, холаларини йиғлаб-йиғлаб ерга топширди. Орадан кўп вақт ўтмай жигари — укасидан, орадан уч йил ўтиб, келинжонисидан ҳам айрилди. Қишлоқдаги акалари, келинойилари ҳам бу фаний дунёни тарк этиб кетдилар. Бу орада кўзимизнинг оқу қоралари бўлган менинг жигарларим ҳам бир-бир ташлаб кета бошлашди. Йиғлай-йиғлай уларни тулроққа қўйдик. Кўз ёшларимиз жамланса, дарё бўлар. Одамзоднинг бутун танаси кўз

бўлган аёлим шундай жудолик пайтида дугонасига юпанч бўлолганидан таскин топганди...

Бизни
бировлардан
не камимиз бор...

Гоҳ-гоҳ ёлғиз қолганимизда аёлим бирдан киндик қони тўкилган қишлоғини, у ерда умргузаронлик қилаётган яқинларини эслаб, кўмсаб қоларди. Акаларини, онасидай меҳрибон бўлган Чуқуқ момони, Сабоҳат опани, унинг ҳаётдоши Эргаш ҳожи отани тилидан қўймасди. Дилором опасини, Уминиса дугонасини, шеър ёзса, фақат қўшиқ қилиб айтишга одатланган Муҳайёни, Рафоату Дилоромни, Паривашу Дилдорани, оташнафас шоира Маҳмуда ҳожи сингилсини еру кўкка ишонмай, осмонларга чиқариб алқарди.

Бундан мен андак ранжиган ҳам бўлардим:

— Ҳамма яхши одамлар тўпланиб, сенинг қишлоғинга бориб қолган, шекилли. Нима, Пискентнинг бошқа ерида яхши одамлар қирилиб битганми? Шу ҳаммаси Муроталидами?

— Бўлмасам-чи? — аёлим бир сония ортига чекинмай камондай эгик қолларини чимирганча фахр ва ифтихор билан давом этарди. — Муроталини сиз менинг кўзим билан кўринг, хўпми?

Мен ноилож таслим бўлардим, уни ҳафа қилиб қўйишим мумкин эмас эди. Дарров муросага ўтардим.

— Ҳўп-да, сендан ўтказиб нимаям дея опардим, — бошимни аста эгардим.

Ахли аёлим ўқиб-ўққанлардан эмасми, “Эгамнинг боши эгилгунча шайтоннинг бўйни узилса бўлмайди-ми”, қабилида самимий мулозамат пардаларини оҳиста кўтара бошларди:

— Сиз ёлғиз эмассиз-а, жуфти ҳалолим, отамиздек соябон, Туробжону Ўқтамжон акаларимиз, онамиздай меҳрибон Бахринисою Файзинисо опаларимиз, Гулбахору Зулхумор отлиқ ҳалимдек юмшоқ, муниса сингилжонларимиз сояи давлатларида, э, қанча вақт меҳр-оқибатга обдон қонмадикми? Ҳали-хануз уларнинг суюкли фарзандлари саховатларидан кўнилларимиз бот-бот сув ичмоқда-ку. Саодатой, Манзураой, Муроджонлар, Малоҳатою Фароғатлар, Дилнозаю Шахнозалар, Коммунаю Барноойлар, Дилфузаю Нодиройлар, Миркамолу Шарифойлар, Фафуржону Муҳаббатойлар, Муҳаммаджону Шахпўлатлар...

Дарвоқе, кичик акамнинг қизлари Пискентда яшайдилар. Дилнозаю Шахнозалар амакининг дилбандлари. Мамлакату Инобату Латофатлар-чи, уларнинг бизга кўрсатаётган содда, самимий, бетимсол ғамхўрликлари, жонқуярликлари бизни ёруғ-дорилмомон кунлар сари етаклаб бораётгандек, гўё. Қоризлик Тошпўлат устозимизнинг қизи Зухраойдан айланай. Шундай аҳволимда уйининг тўридан жой беради, хафталаб меҳмон қилади. Ҳам сўзи, ҳам шифобахш лампалари билан силаб-сийпалаб, эркалаб даволайди. Шундай қизни тарбиялаб элга қўшган Тошпўлат акамга, Турсуной опамга тасаннолар айтаман. Келинг, Сизга ҳар доимгидек, халқ шоири Муҳаммад Юсуфнинг тўрт қатор мисрасини ёддан айтиб берай:

*Бизни бировлардан не камимиз бор,
Эй жуфти ҳалолим, не ғамимиз бор?
Гарчи боғлар кезиб юрмадик бирга,
Эсласак, арзирли хуш дамимиз бор.*

Аёлим ана шундай дилгир суҳбатлар якунида шеър айтар, сўнг сокин сукунат оғушида қоларди. У шу онда рўмолининг этаги билан юзини ёпиб, сассиз йиғлаётган бўларди...

(Охири келгуси сонда)

Собиржон ИНОМОВ,
Ёзувчилар уюммаси аъзоси
Пискент тумани

Ёлғизликнинг
юз кўни

жониси бир ҳафта давомида аллани қўшиқ қилиб айтди. Бола тушмағур овунай демасди. Ниҳоят, бувижониси халқ йўлидаги қўшиқни майин овозда айта бошлади:

*Йўл бўлсин-а, йўл бўлсин,
Босган изинг гул бўлсин...*

Сарваржон шу йўсинда аллага эмас, “йўл бўлсин”га ором олиб ухлайдиган бўлди. Мактабга қатнай бошлаганида тенкурлари билан ёқа йиртишиб келарди. Бир қор-қол бўлса, бувижонисининг орқаси унга паноҳгоҳ эди. Чопқиллаб келиб бувисининг орқасига яшириниб оладиган одат чиқарган эди. Бувижониси сўнгги нафасигача Сарваржонга қалқон бўлди. Ахли аёлим болакайни гоҳ отасининг, гоҳ онасининг қалтагидан ҳимоя қилар, бу болам, ўлсам, қабрим тепасида юм-юм йиғлайди, дерди. Болиши остидаги топан-тутганларини фақат Сарваржонга илинарди. Шугина боламнинг ҳам катта мактабларда ўқиётганини кўрсам эди, деб орзуларди. Бувижониси шу қайсар, арзанда неварасининг катта ўқишларга кирганини кўролмади...

Одам умри
йиғидан
иборатми?

Донишмандлар талқини шулдир: гўдак туғилгач, бор овози билан йиғлаб, дунёни бошига кўтараркан, мен туғилдим, тамом, энди бир кун ўламан, деб йиғлаётган бўлар экан. Ўша — ҳали кўзи очилмаган гўдак анг-

“LOMBARD HAMKOR-KREDIT” МЧЖ
Жамиятнинг 2024 йилги бухгалтерия баланси

(минг сўмда)						
№	Актив	Йил бошига	Йил охирига	Пассив	Йил бошига	Йил охирига
1	Асосий воситалар	211 334,30	396 669,10	Устав капитали	1 992 698,30	1 992 698,30
2	Узоқ муддатли инвестициялар			Қўшилган капитал		
3	Капитал қўйилмалар			Резерв капитал	298 904,70	298 904,70
4	Товар-моддий захиралари	17 590,20	8 667,20	Тақсимланмаган фойда	11 153 543,10	14 006 536,00
5	Дебиторлар	1 498 086,60	1 425 808,70	Мақсадли тушум ва фондлар		
6	Пул маблағлари	535 201,30	432 892,50	Келгуси давр сарфлари ва тўловлари учун резервлар		
7	Қисқа муддатли инвестициялар	13 578 141,10	17 307 843,00	Узоқ муддатли мажбуриятлар		
8				Жорий мажбуриятлар	2 395 207,40	3 273 741,50
	Жами, активлар	15 840 353,50	19 571 880,50	Жами, пассив	15 840 353,50	19 571 880,50

Жамиятнинг 2024 йилги молиявий натижалари тўғрисидаги ҳисоботи
(минг сўмда)

Кўрсаткичлар номи	Даромад	Харажат
Маҳсулот сотишдан тушган соф тушум	12 822 738,70	
Сотилган маҳсулотлар таннархи		
Маҳсулот сотишдан тушган ялпи фойда	12 822 738,70	
Давр харажатлари, жами:		5 235 020,50
Асосий фаолиятнинг бошқа даромадлари	2 971 793,20	
Молиявий фаолиятнинг даромадлари, жами:	10 559 511,40	
Фонизлар шаклидаги харажатлар		375 909,60
Даромад солиғи тўлағунга қадар фойда	10 183 601,80	
Даромад (фойда) солиқ		1 530 608,90
Фойдадан бошқа солиқлар ва йиғимлар		
Ҳисобот даврида корхона ихтиёрида қоладиган соф фойда (зарар)	8 652 992,90	

Жамиятнинг 2024 йилги молиявий-ҳўжалик фаолияти якунлари МЧЖ шаклидаги АТ “AUDIT EXPERTS GROUP” аудиторлик ташкилоти томонидан аудиторлик текширувдан ўтказилган.

▼ Кўнгил шеваси

Бир хуш муждаларни шивирлайди ишқ...

Ўткир РАҲМАТ

Чархналак

Бир кунда беш фасл кўнгли кезади,
Балки, ҳаёлотим ором бузади.
Гўёки дарёман
Кема сузади –
Нима у
Билмам...

Бир кунда ёзу қиш этар тўлопон,
Руҳият олами булутли осмон.
Шеърмикан, сатри учар сен томон –
Нима у
Билмам...

Заррага айланиб сачрар ҳаяжон,
Бўй бермас тойчоққа ўхшайди имкон,

Бир силтаб қўйда қўрқув ҳам пинҳон –
Нима у
Билмам...

Ўйинга етолмай чарчаб толаман,
Негадир эртадан ташвишланаман,
Титроқдан бир онда қақшаб қоламан –
Нима у
Билмам...

Аҳволим Оллоҳга аёнدير, аён.
Номинг юрагимда, ишқинг ноён,
Асло қилолмайман уни ҳеч баён –
Нима у
Билмам...

Аслида меҳрининг булоғи зарур,
Аслида қалбимда сўзлар бор – зарур,
Мен сизни соғиндим,
Юрагимда нур...
Нима у
Билмам...

Тўкилиб, тўкилмай ноз қилар фурсат,
Умри майдалаб оз қилар фурсат,
Яна бир фаслни боз қилар фурсат –
Нима у
Билмам...

Ўздор

Муштоклик ўртайдди ҳар кун, ҳар кеча,
Хаёл сўқмоғида адашгум неча,
Улғайиб боряпман ишқ захрин ича,
Билмадим, неларни шивирлайди ишқ.

Тагин ҳижрон келиб, бахт уйи қулар,
Мунагли ҳасратларим дардларни улар,
Балки эртақларда ошиқлар қулар...
Билмадим, неларни шивирлайди ишқ.

Кўзимнинг иши йўқ шода нам билан,
Энди қизиқмайман даврон-дам билан,
Бугун овутамиз ўзни ғам билан,
Билмадим, неларни шивирлайди ишқ.

Ҳасратлар туну кун дилмни еди,
Анув бевафо қиз “келмайман”, деди,
Бу ўлан аслида сен ҳақда эди,
Билмадим, неларни шивирлайди ишқ.

Бу ўлан кўзимни ёшлаб бергайдир,
Дилмни қотириб, тошлаб бергайдир,
Балки умримизни бошлаб бергайдир,
Бир хуш муждаларни шивирлайди ишқ.

Зулматни оралаб кетгаймиз бирга,
Бир кун ишқ кўшига етаймиз бирга,
Висол қўлларидан тутгаймиз бирга,
Бир хуш муждаларни шивирлайди ишқ.

Ёғдулар таратар кўкда мунис ой,
Қара, бу боғларга — ўзгача чирой,
Шундан асир этган бизни ҳойнаҳой,
Бир хуш муждаларни шивирлайди ишқ.

Йўлимиз боғласин мангу муҳаббат,
Ҳижрон дилга қайтиб йўлнамасин хат,
Биз бахтли бўламиз бир кун, албат,
Бир хуш муждаларни шивирлайди ишқ.

Она ўтини

Келса агар Тошканга онам,
Бир ҳафтада зерикар эди.
Тушунмасдим — бунда нима кам,
Олисларга кўз тикар эди:
Қишлоғимга жўнат, болажон...

...Бир парча ер, бир парча осмон,
Болам, билсанга, дардим давоси.
Қадрдондир ҳув сўри, айвон,
Соғинганман унинг ҳавосин.
Қишлоғимга жўнат, болажон...

Кошонанга ҳамма нарса бор,
Иссиқ-совуқ сувлар муҳайё.
Бунда сира чекмайман озор,
Аммо ичим бирам зим-зиё.
Қишлоғимга жўнат, болажон...

Сигмаяпман, ахир, на қилай,
Деразанга ҳам булутга ёндош.
Узоқларга боқмай мен ўлай,

Кекса дилим бўлаверар ғаш.
Қишлоғимга жўнат, болажон...

Кўз олдимдан кетмайди сира,
Омонмикан дапа, боғларим?!
Чорлайверар ширин хотира —
Шоду хуррам кезган чоғларим.
Қишлоғимга жўнат, болажон...

Ўйга келиб дугоналарим,
Мени йўқлаб, остона ҳатлар.
Менсиз кўнгли эҳтимол ярим,
Юрагидан бор қанча гаплар.
Қишлоғимга жўнат, болажон...

Тагин йўқлаб келгандир ҳозир,
Балки йўқ деб келишмадимми?
Ўтирибман шаҳринида базўр,
Бундалигим билишмадимми.
Қишлоғимга жўнат, болажон...

Бир қарасанг қарасдай гўё,
Пастга томон туширар дарров.
Ажабтовур экан бу дунё,
Саломи йўқ, қарамас биров.
Қишлоғимга жўнат, болажон...

Неча кунки безовта кўнглим,
Мукаддаснинг тоби йўқ эди.
Ҳам тенгадош-у, ҳам гўё синглим,
Сўрамасан — мени не дейди?!
Қишлоғимга жўнат, болажон...

Осмонўпар уйинг бор бўлсин,
Яйраб-яшна, униб-ўс болам.
Хувиллаган юрагим тўлсин,
Тўлсин ичимдаги бир олам —
Қишлоғимга жўнат, болажон...

Қишлоғимга жўнат, болажон...

Рух билан ёлғиз

Кута-кута кўзим ўқинди,
Зулмат ортага,
Аста чекинди,
Яна ширин туйғу илдинди,
Нур инандай бўлди кўнглим-а,
Қириб келди
Ёруғ — синглим-а.

О, гулларнинг қарошини кўр,
Шабнамларнинг талошини кўр.
Баҳорнинг бош-адошини кўр,

Дарахтлар гунг,
Сўз айтмадим-а,
Нурдан қўйлақ кийди — синглим-а.

Файз-тароват тўлди атрофга,
Арзирмикан энди тавофга.
Ҳар бир куним тўлсин савобга,
Дил қуши ҳам топмас кўним-а,
О, баҳордан тоза синглим-а.

Яйраб-яйраб
Гулласа ҳаёт,
Учиб борсам шу дам,
Шу заҳот,
Бошин силаб, узатсам новеот...
Танглайимда қотди тилм-а,
Офтобдайн кулган синглим-а.

Бисотини ёймоқда замин,
Тортиқ этар гулгун ҳимматин,

Бор ҳақиқат, мен бунга амин,
Бунча меҳр таралган ким-а,
Тандирдан нон узган синглим-а!

Офтоб-офтоб найзангни урма,
Раҳм айла,
Чўғларга кўйма,
Олма берса, захрингни сурма,
Ақасиман, мунис дилм-а,
Кўнгли осмон бўлган синглим-а!

Ҳорғинлик ҳам сира сезилмас,
Умр йўли асло бузилмас,
Изларидан кўзим узилмас,
Уфққа бош қўяр синглим-а,
Мени қаттиқ суяр синглим-а.

Сингилгинам кўз очадурми,
Субҳи содиқ сўз очадурми,
Бойчечакка сир сочадурми,

Сўяй дейди титроқ қўлим-а,
Булоқдан ҳам шаффоф синглим-а...

Жонимдаги бардошим ўзинг,
Кўнглимдаги сирдошим ўзинг,
Қиприқдаги кўз ёшим ўзинг,
Ака дебон гирён синглим-а,
Мисли хуришд,
Тобон синглим-а.

Дилбандинам,
Ҳали гапим кўп,
То тонггача дил суҳбати кўп,
Сендан бўлақ пок хилқатим йўқ,
Онам бўлиб гапир, синглим-а,
Онам бўлиб қақир, синглим-а...

ВАТАННИНГ СЎЗДАГИ СУВРАТИ

Тонг — аслида нурнинг элчиси,
Муждаларин элтар субҳидам...

Истеъдодли шоир ва моҳир муҳаррир Ўткир Раҳмат қаламига мансуб “Ватан сийрати” балладаси мана шу байт билан бошланади. Ушбу икки сатр билан бошланган шеър ўз шеърхони юрагига тонг нуридек ташриф буюриб, субҳидам ниятидек тоза муждалари билан қалбга ҳукмонлик қила бошлайди. Аслида шеър ўқиган шеърхон шундай туйғуга асир бўлиши керак эмасми?!

Эзгуликка ошуфталик, яхшиликка ошиқлик, меҳру муҳаббатга ташналик туйғуларини тараннум этиб келаётган Ўткир Раҳматнинг “Мангу овоз” номли янги китоби 2024 йил дунё юзини кўрди. Бу шоирнинг кейинги йилларда қозоғга тўкилган сатрларидан бунёд бўлган гўзал бир назмий мажмуадир. Янги китобга Сирожиiddин Саййид сўзбоши ёзган. Китобдаги шеърлар бадиий жиҳатдан етук ва халқона мисраларга бой.

Бироқ, ҳозир сўз янги китоб ва ундаги сўзбоши ёки шеърлар ҳақида эмас. Биргина “Ватан сийрати” балладаси ҳақида. Демак, юракка тонг нурини элтган балладан уқиймиз:

Ахир, нурдан тилаклар бунёд,
Умримизга бағишлагай шон.
Токи нур бор — яшнагай ҳаёт,
Токи нур бор — масрурдир инсон.

Эркалайди ҳар саҳар мени
Ёруғ, порлоқ ниятлар билан.
Шу нурларда кўраман сени,
Ўзинг асли зиёсан, Ватан!

Бир қарашда, Ватан мавзуси шеърятда эскиргандек кўринар, эҳтимол. Бироқ ўзгалардан туйғу олмайдиган ва овозини бошқаларга бермайдиган шоирда, ҳар қайси мавзуда, жумладан, Ватан ҳақида ҳам ўз сўзи бўлиши табиий. Зотан, Ватан — мангу қўшиқ!

Ўзбек шеърятинида Ватан ҳақида ёзилган шеърларнинг кўпчилиги шонли тарих ва буюк аждодлар эътирофи билан ёзилиши урф бўлган. Бу ҳақда сўз кетганида, аруз шаклидаги энг яхши шеър — “Ўзбегим” (Эркин Воҳидов), кечмиш ва ёруғ ният зўр тараннумини топанг энг яхши шеър — “Ўзбекистон” (Абдулла Орипов) ва юксак бадият асосида халқчиллик касб этган энг яхши шеър — “Ватаним” (Муҳаммад Юсуф)

биринчилар қаторида тилга олиниши ҳам табиий.

Шоир бу “анъана”ни давом эттирмайди ва қайсидир маънода ўқувчини зериктирмасликка эришади ҳам. Аксинча, шеърхоннинг нигоҳлари сатрдан-сатрга кўчар экан, Ватан одамнинг ташвишларини аритувчи, болакайнинг кулгиси каби дардларнинг шифоси эканлиги; қанча-қанча дарёлар ичра у энг тошқин дарё эканлиги айтилади. Ташбеҳлар ўқувчи ҳиссиётларини ўйнатади, кўз олдида Ватаннинг гўзал суврати пайдо бўла бошлайди.

Дарё — тириклик манбаи. Инсон ҳам она Ватани оғушида росмана тирикдир. Қолаверса, бу қиёсда тоза ният ва юртнинг боқийлиги-га ишонч ҳам мужассам бўлган. Зотан, дарё суви ҳамиша тоза бўлади ва оққан дарё оқаверади.

Сендан бошқа бариси ёлгон,
Ўзгасини ҳеч олмайман тан.
Билсанг, кўксим ичида сайрон
Бир булбулгўёсан, Ватан!

Шоир кейинги сатрларда Ватанни момоларнинг мангу навоси, боболарнинг азим

▼ Таассурот

ҳикмати, дея эъозлаб, унда кейинги йиллардаги бунёдкорлик ва ўзгаришларни гўзал бадиий тарзда талқин этади. Балладани ўқиш мобайнида ўқувчида Ватан ғурури ва аждодлар ифтихори, юрт севинчи ва ёруғ кунлар ишончининг ҳаяжони сатрдан-сатрга ортиб боради.

Таърифингни битмишлар азал,
Ундан ортиқ қиёс йўқ экан.
Олам ичра оламдан гўзал,
Дунё ичра дунёсан, Ватан!

Ватан — олам ичидаги гўзал оламимиз, дунё ичида бир дунёимиз, юрак тубидаги юрагимиз. Йиқилмас қўлимиздан тутувчи, олис кетсак йўл қараб интизор кутгучи Ватан сийрати Ўткир Раҳматнинг ушбу балладаси орқали сўз билан чизиб берилгандек.

Шоирнинг “Мангу овоз” китоби мутлаасидан кейинги ҳаяжонлар давом этмоқда. Зотан, яхши шеърнинг умри боқий бўлганидек, унинг ҳаяжони ҳам бир муддатлик бўлмайди.

Отабек ИСРОИЛОВ,
Ўзбекистон Журналистлар
уюшмаси аъзоси



TOSHKENT HAQIQATI
ТАШКЕНТСКАЯ ПРАВДА

Муассис:

**TOSHKENT
VILOYATI
HOKIMLIGI**



“Toshkent haqiqati” va
“Tashkentская pravda”
gazetalari tahrir hay'ati:

Zoyir MIRZAYEV
(tahrir hay'ati raisi)

Abdusamad NOSIROV

Ummat MIRZAUQULOV

Hotamjon SAYDAHMEDOV

G'afurjon MUHAMEDOV

Sayyora FAYZIYEVA

Tohir ARIPOV

Mahmud TOIR

Uskenboy ATEMOV

Abdulla XURSANOV

Shahboz NIZOMIDDINOV

Kumush EGAMBERDIYEVA

Olimjon BEGALIYEV

Behzod QOBULOV

Sergey MUTIN

Bosh muharrir:

G'ayrat SHERALIYEV



Qabulxona:

(55) 520-64-95

Bosh muharrir o'rinbosari:

(55) 520-04-10

Mas'ul kotib:

(55) 520-05-10

Bo'lim muharrirlari:

(55) 520-06-20, (55) 520-04-20

E'lonlar va hisob-kitob bo'limi:

(55) 520-21-20

e-mail: toshkenthqiqati@umail.uz

Mas'ul kotib:

Alloma AZIZOVA

Navbatchi:

Zikrilla MUHAMMAD

Ekspositor:

Behruz NURBOBOYEV

Bosishga topshirish vaqti — 21.00.

Bosishga topshirildi — 18.00.

Nashr ko'rsatkichi — 205.

Buyurtma G-335.

4 528 nusxada chop etildi.

Hajmi — 2 taboq. Ofset usulida

bosildi. Qog'oz bichimi A-2.

Bahosi kelishilgan narxda.

Toshkent viloyati Axborot va ommaviy
kommunikatsiyalar boshqarmasida
2011-yil 12-yanvarda
03-001 raqami bilan
ro'yxatga olingan.

Manzil:
111500, Nurafshon shahri,
Toshkent yo'li ko'chasi, 90.
Toshkent shahridagi
ofisimiz: Bektemir tumani,
Ittifoq ko'chasi, 2.
ISSN 2010-9318.

Gazeta «Toshkent haqiqati»
tahririyati kompyuter markazida
terildi va Tohir Mahmudxo'jayev
tomonidan sahifalandi.

Haftaning
chorshanba va shanba
kunlari chiqadi.

«SHARQ» nashriyot-matbaa
aksiyadorlik kompaniyasi
bosmaxonasida bosildi.
Korxona manzili:
Toshkent shahri,
Buyuk Turon ko'chasi, 41-uy.